



Inuit Tapiriit Kanatami Qanuilingaqujiningnik Titiqqaliarijausimajut: Aaqqiiluni Nunaqaqqaqsimajut Inuit Kikkutuinnait Kamisannganik Gavamatuqakktigut Nunalirjuat Katujjiqatigiingit Ilsaqsisimaningnik Piqujarmik

Inuit Tapiriit Kanatami Piliriarivaktangit

Inuit Tapiriikkut Kanatami (ITK) Canada-limaami pijjutiqaqtigijauullutik katujjiqatigiigijauvut 65,000-nut Inunnut Canada-mi, amisuuniqsait Inuit nunanganirmiungullutik, Inuit Nunangat 51-nik nunaliqarpuq Inuvialuit Aviktuqsimaningani (Nunatsiaq), Nunavut, Nunavik (Quebec Taqrangani), ammalu Nunatsiavut (Labrador Nigiani), Inuit Nunangata aviktuqsimaninga 1/3-luanganik Canada-up nunarjuangata anginiqaqtigivuuq ammalu 50%-nganik tariup sigjagijangani. Inuit Tapiriikkut Kanatami pijjutiqaqtivut pijunnautingini ammalu pisimalirumajanginik Inuit Canada-up qutsingningagut piliriaqaqtivatsutik aulatsiniqarutiullutik aaqkisuqtausimajutigut pijjutiqaqtinirminni tamainik Inuit aviktuqsimanirijanginik. Inuit Tapiriikkut Kanatami sapujjigiatigijauvut maligalirinirni, piliriani, ammalu pijitsirarutini piliria-nguliquullugit inuuqatittinni inuusiliriniujut, piusituqaliriniujut, government-liriniujut, ammalu avatilirinirmi pivalliajuliriniujut.

Inuit Tapiriikkunnut Kanatami Katimajingit ukuanguvut:

- Iksivautaq ammalu Allavingmi Isumatammarik, Inuvialuit Aviktuqsimaningani Kuapuriisangat
- Angijuuqaaq, Makivik Kuapuriisangat
- Angijuuqaaq, Nunavut Tunngavik Timiqutingat
- Angijuuqaaq, Nunatsiavut Government-ngat

Ilgijauullutik niruarunnaqtitaullutik ilagijaujunut, ukua niruarunnaqtitaunatik Atainnaqtumik Ilagijauqatauvattut Pijjutiqaqtillutik Katimajini iniquqtitaugivut:

- Angijuuqaaq, Inuit Ukiuqtaqtumi Katimajingit Canada-mi
- Angijuuqaaq, Pauktuutit Arnait Inuit Canada-mi
- Angijuuqaaq, Canada-limaami Makkuktut Inuit Katimajingit

Niriugijavut

Canada-miut Inuit akuilivallialirmata katinniqarnirmiktigut ammalu nangminiq aulatsiniqalirunnarnirmittigut

Piliriaqaqtivut

Inuit Tapiriikkut Kanatami Canada-limaami nipigijaummata mianirijausimaliquullugit ammalu sivummugiaqtitausimaliquullugit pijunnautiqarningit ammalu pisimalirumajangit Inuit Canada-mi

© Inuit Tapiriit Kanatami, 2020

Inuit Tapiriit Kanatami Qanuilingaqujiningingnik Titiqqaliarijausimajut: Aaqqiiluni Nunaqaqaaqsimajut Inuit Kikkutuinnait Kamisannaganik Gavamatuqakkutigut Nunalirjuat Katujjiqatigiingit Ilisaqsisimaningingnik Piqujarmik (PDF)

978-1-989179-50-5



Ilulingit

Tukisitittigianngautingit	2
Qanuiliurutausimanikut	3
Piqujaliuqpallianirnut Aulaninga	4
Piqujaksaq C-262: Nunalirjuat Katujjiqatigiingit Ilisaqsisimaningita	
Nunaqaqqaasimajut Inuit Pijunnautingingnik Piqujaq	4
Vuritis Kalampiam Ilisaqsinigut Nunaqaqqaasimajut	
Inuit Pijunnautingita Piqujanganik	6
Piqujaqtigut Ilulingit	7
Isulittillugu	8

Tukisitittigianngautingit

Taakkua qanuilingaqujiningita titiqqaqutiliarisimajavut takuksautittivut Kanatami Inuit sivulliujuuqjangit Gavamatuqakkut piqujangani, atuliqtitaquullugu Nunarjuat Katujjiqatigiit Ilisaqsisimaningingnik Nunaqaqqaqsimajut Inuit Pijunnautingingnik. Titiraqsimaupput niriunnirijaujunik ammalu sivulliujuuq-jaujunik qanutigi ammalu attuiniqaqtitaunasuarningingnik piqujap, nalunaiqsimallutillu piqujaqtigut ilulirijangit taakkua Inuit piqasiutiqjangit piqujaksami, ammaluttauq titiraqsimagillutit niriunnirijausimajut piqujaq pivalliagutigijauvallianingata aulaninganik. Tamanna qanuilingaqujinitta titiqqaliarisimajavut maruungnik titiqqaliarijaulauqsimajuungnik 2017-ngutillugu taakkununga Inuit Tapiriit Kanatamikkunnut pivalliagutigigiaqtausimavut qanuilingaqujinitta titiraqsimajut ammalu uqausiqariarutauniaqtunik. Taakkua ilagiarutigijausimajuuk titiqqaak aqqisuqtaulauqsimammatik ammalu angiqtaulauqsimallutit Inuit Tapiriit Kanatami aulattijingitigut ammalu titiqqaliarijausimajuuk tukisigiaqtittigutaunginnaqput Inuit Tapiriit Kanatami qanuilingaqujiningit piqujaksaliarijaujup miksaanut.



Qanuiliurutausimanikut

2019-mi Kuip kiggaqtuijinga tusaqtittilauqsimgmat uqausiqaqtillugu maligaliurvirjungani Kanataguug “saqqiilaarmat piqujaksamik atuliqtitauqullugit Nunalirjuat Katujjiqatigiingit Ilisaqsisimaningita Nunaaqaaqsimajut Inuit Pijunnautingingnik sivulliqaami nutaarmik piqujaqtigut pinasuagaqaliqtillugit.” Prime Minister-p piqujaqtigut qanuiliurutauniaqtunik titiqqanga minista maligalirijikkunntu tilisisimavug iqqanaijaqatigarlutit Gavamatuqakktu–Nunaaqaaqsimajut Piliriqatigiinningitigut “saqqiijauulluni aaqkisuqatigiijutiksamik piqujaujup atuliqtitauqutiksangingnik Nunalirjuat Katujjiqatigiingit Ilisaqsisimaningita Nunaaqaaqsimajut Inuit Pijunnautingingnik 2020 isulittilaaliqtillugu pijariiqsimajariaqaq&utit.” Titiraqtautillugu, angajuqqaangujut Gavamatuqakktunni sivumuattittinasuaqsimavut tamassuminga pivalliaqatigiijauninganik marruuk piliriqatigiittuuk katimaqattaqtutit katimaqatigiijaullutit Inuit Tapiriit Kanatami iqqanaijaqatigiingnik ammaluttauq Kanatami Pilirijiit katimajiralaangitigut kiggaqtuijiqauruluaq&utit ukuninga Allait Katujjiqatigiingit (AFN), Allangajut Katujjiqatigiingit (MN), Inuit Tapiriit Kanatami, ammalu angajuqqaaggutunik Maligalirijikkunni ammalu Gavamatuqakktu–Nunaaqaaqsimajut Piliriqatigiittinginninngaqtut.

Piqujaksaq C-262, Maligaliuqtituinnap piqujaksanga 2018-ngutillugu saqqiqtitausimalauqsimalluni nutaat niruaqtausimajut timinganut, qaujimanattiatittigutaunasualauqsimavug Kanatami piqujat nalimunniquaraluarmanagarmik Nunarjuarmi Katujjiqatigiingita Ilisaqsisimaningit. Piqujaksaq Maligaliurvirjuarmi angiqtaulauqsimavug kisanili 2019-ngutillugu qujanaaqtaulluni tilisijjuti titiqqangagut Maligaliurvirjuarmi Piqujaksamik Qimirrujnut. Qattiinnaugaluq&utit titiqqaliarijausimajut, 18-nik mappigaqaq&uni piqujaksaq iluliqalauqsimgmat marruullaqtuunnik aulattigutaugajaqtuunnik tikitaunasuarutingit pivaallirutigijauqullugu qaujimattiatittinasualauqsimgmat Kanatami piqujat ajjiqaraluarmanagarmik Nunarjuarmi Katujjiqatigiingita Ilisaqsisimajanga aturnialiqtangingnik:

- 1) Kanatami qanuiliurutiarniarnimut parnautinga “pinasuagarijaujut tikitauqullugit” nalunaiqsimajauullutit Nunarjuarmi Katujjiqatigiit Ilisaqsisiningit atuqtaunialiqtitut, ammalu
- 2) Arraagutamaat unikkaaliarijausimajut Maligaliurvirjuarmut unikkautiliit atuliqtitauningata Gavamakktu piqujaqtigut qanuiliuriaqarutingit malittuuqullugu piqujaq.

Piqujaliuqpallianirnut Aulaninga

Piqujaksaliuqpallianirnut aulaninga atuqtauqariaqaqpuq malillugit ajjiingituggutaujut. Tamanna tukilik Gavamatuqakkunniingaaqtut katimatittissainnarialiit Kanatamiutaujunit angiqatigiillugit piqujakliurnirnut aulaninganik ammalu piqujaqtigut iluliksangingnik taimaaksainnarlu ilauqatautitaunginnarlutit Allait, Inuit ammalu Allangajut ilaakkuungajutigut pivalliaqatigiqattarlugit. Taimaaksainnaq piliririjauluni Piqujaksaq C-91 ammalu C-92, Kanatami katimaniqaqtillugit piqasiujjijarialiit nalimugiittut amisuuningit kiggaqtuij-ingingnik Allait Katujjiqatigiingit, Inuit Tapiriit Kanatami, ammalu Allangajut Katujjiqatigiingit qaujimmattiaru-tauniarmat piqujaksaliurnirnut aulaninga pivalliaqatigiatarniarluarmangaarmik aulaniqattiaqtukkut atuluannngillunilu kisutuinnarnik. Isumaliuqattarialiit angiqatigiingningitigut. Atuni katujjiqatigiingujuq kamagijaqarialik sivumuattittiluni qanuilingaqujamingnik ilagijauvvinganiingaaqtut isumagijangit uqausir-ilunigit ammalu niruaqtingit Kanatami katimajuliqtunut uqautaulutit. Ilagijaujut Kanatami katimajujunut angiqatigiigialit niriunnirijauningingnik ilauqataugunnarluni ammalu uqaujjiarluni piqujaksaliurnirnut aulaninganik ammalu tukitaaqtitaulutit niriunnirijaujut qanuittuugajarmangaarmik “pivallianiqatigiillutit” katimajujut qanuiliurniarutingita titiraqsimaningingnik. Pivalliaqatigiijauningit tamakkua katimajujut qanu-iliurniarutingita titiraqsimaningit sivulliuqtauqatigut iqqanaijaarijaukkannirutauniaqtunut piqujaksami suqquinaqtukkut qanuiliurutigaqullugit piliriaksangingnik ammalu niriugijauningingnik.

Piqujaksaq C-262: Nunalirjuat Katujjiqati-giingit Ilisaqsisimaningita Nunaqaqqaq-simajut Inuit Pijunnautingingnik Piqujaq

Piqujaksaq C-262 tammaqsimajuqauqtugijaungmalli Inuit Tapiriit Kanatami aaqqiqunasualuqsimajangit saqqijaaqtillugit katimanikkut ammalu titiraqsimajutigut tunijaullutit Maligaliurvirjuap katimajiralaangit nusaqaqqaqsimajut ammalu ukiuqtaqtulirijikkunnut ammaluttauq Maligaliurvirjuarmi piqujaksat qimirrujingita katimajiralaangit nunaqaqqaqsimajut pillugit. Isumaalunarmat Gavamatuqakkut aturasuarniarmagu Piqujaksaq C-262 tunngavigijauluni nutaarmut piqujaksamut kigliqatitigajarluatillugu Piqujaksaq pivaalliqittin-giinnarajaqtuni pijjutiginasuaraluaqtanga tavvautillugu. Isumaalunnarluni 2019–mi Vuritis Kalampia Ilisaqsinigit *nunaqaqqaqsimajut pijunnautingita piqujanga* aaqqisuqtausimajuq malittaulluni Piqujaksaq C-262 ilisaqsisimajutauvuq Inungnut ilaakkuungajumik atuliqittigaluarmangaata auattijauqariaqarmat aulat-tigutigijauluni ammalu/uvvaluunniit uattijqarialik timiujumik qaujimanattiaqullugit Gavamakkut pinasua-gaqtatiarniarluarmangaarmik atuliqittitillugit Inuit Kikkutuinnait Pijunnautingita pillugit qanuiliuriaqarningit.

Qaujijaksaulaangujuq kigliqarninga Piqujaksaq C-262 ilaakkuungajumik atuliqittinirnut aulaniqanngimmat uvvaluunniit uattijugajaqtumik timimik suurluk Inuit Kikkutuinnait Pijunnautingingnut Kamisanninga uvvaluunniit ilaakkuungajumik unnirluvviksamik aajiiraqtiugajaqtumik. Piqausijauguni atuliqittijit aulani-rijaujunnarajarninga piqujaksami ajjiqarajaqtuq Qanuiliuriannaqajuniq 1.7 Kanatami Qaujisaqtauningit Asiusimajut ammalu Inuaqtausimajut Nunaqaqqaqsimajut Arnait ammalu Niviaqsaat aaqqiijuaqullugu Kanatami nunaqaqqaqsimajunut ammalu Inuit Kikkutuinnait unnirluksarijauqajaqtumik pijunnautiqarluni tamainnilimaattiaq Gavamaqarviujunimut, ammalu aaqqiijuaqullugu Kanatami Nunaqaqqaqsimajut ammalu Inuit Kikkutuinnait Qimirrujingingnik.



Atuligtittijiqanngittillugu aulaniugajaqtumik Piqujaksaq C-262-mi tukilik pijunnautiujuut uqautausimajut angiqtausimallutit Nunalirjuat Katujjiqatigiingita Ilisaqsisiningingnik atuqtauliqjuminik, ammalu tammaqsimajutqitugit uqautausimallutit “tunngavingit” piqujaksap iluani, ilakuummat piqujaq tamanna atuligtitaugasuarutiksanganik. aaqqigiaqtausimakkannituinnaqtuujaapquq atuligtigaksaunngillutit pijunnautiujuut kisianili pinasuaqtaugumajujaqtutit tunngavingit sivumuattitaugasuarialit qanuiliurutiqarniarnirmut parnautiliuqtuqarluni. Piqujaksaq nalunaiqsisimanngittiammarittuq qangakktu pijariiqsisimajariaqarman-gaarmik piliririjaujarialit tamakkununga qanuiliurutiqarniarnirmut parnautinganik, isumaqsuqtitaujuu-
tuinnaliq&utit Gavamaulaaqtunut isumaliurlutit qanga ilauqatautitaugajarmangaarmik nunaqaqqaqsimajut Inuit aaqqiksuilutit atuligtittillutillu aulaniugajaqtunit kajusiniqainnatuinnarajaqtumik pivaallinngillutit. Tamanna naammagijaunngilaq Inungnut pingasut pijjutigillugit. Sivulliq, Gavamakktu uattijariaqanngilat ammalu unikkaaliurlutit nangminiq piliriarninik Inuit Kikkutuinnait Pijunnautingingnik piliriaqariaqatillugit pivaallirutiqarlutit. Inuit qaujisimavut taimannaiuqtillugit tamakkua Gavamakktu imminik pivaallirniqsau-
gaasuut atuagat ilakuulualiinnaqsimalutit Gavamakktu niruarunnaramigit iksingnailutit uvvaluunniit mik&irilutit piqujaqtugit qanuiliuriaqarnirminik. Taimainnikuugivuuq Kanatap piqujaqtugit qanuiliuriaq-
taviniraluarminik piliriaqanngiinnarnikuullutit Inuit Nunangannut tavvuuna katimavingit Inuit timimigut ajurutilit pijunnautingit ammalu katimajingit uvinip ajjiginnginninganut akiraqtuqtailimatitauningit, uuttuutigituinnaqtugik taakkuak. Kingulliq, taimannaiuriaqtillugit ajjiqanngimmat kisulimaat turaan-
ganiqaurningit, tunngaviqatigiingnit, ammalu avitaujunnanginningit qanuittuuningita Inuit Kikkutuinnait Pijunnautingit taimakktutit niruaqtausimajutit kamagijaulirunnaq&utit, ilaakkuungauqtut kamagijaugia-
lingaarunnaqtutit atuligtitauningingnik pijunnautiit angiqtausimajut nunalirjuarmi katujjiqatigiit nalunaiq-
sisimaningingnut aturniarniraliq&utit. Saqqiigajarmat kamagijaukainnatuinnarajaqtumik atuligtitaunasullutit pimunnautivut gajamakktu atuligtittiqattarningingnik ajjigiinngittunik tukisiniqarlutit piqujaqtugit qanuiliuriaqarnirminik ammalu iliuqqailutit ajjigiinngitummaringnik ikajuutiksaniit kiinaujanik ammalu makimajjutiksaniit kamagijauquullugu qanuiliurutiqarniarnirmut parnauti. Pingajuat, Inuit Kikkutuinnait Pijunnautingit “tunngaviuniraqtaulirlutit” nalimugiinngitukktu kamagijaugunniiqtitaungaarivugut sulit ammalu ikajurniqarajaqtut ippigijaunngigiallirmilutit nunaqaqqaqsimajut Inuit. Ajjigiinngilaalu, Kanata-
miutaujut pijunnautingit taikkutiguuna Kanatami Inuit Kikkutuinnait Pijunnautingita piqujangagut siqumitausimaqattarmata ilaannikktu ikajuqtaugasuaqattaqsimavut aaqqigutiqarasuaq&utillu Kanatami Inuit Kikkutuinnait Pijunnautingita Kamisannagut nunaqaqqaqsimajut Inuit, Inuit Kikkutuinnait Pijunnautingillu uqautausimattiaq&utit ammalu angiqtausimallutit nunalirjuat katujjiqatigiingita nalunaiqsigutingitugit, atuligtitaujjutiksangingingnik aulattigitinik pitaqarajanngilat sulit turaanganiquaqtunik ajjiunngittunik Inuit Kikkutuinnait Pijunnautiqarnirijattigut.

Vuritis Kalampiam Ilisaqsiningit Nunaqaqqaqsimajut Inuit Pijunnautingita Piqujanganik

2019-ngutillugu, Vuritis Kalampia Gavamanga angiqsilauqsimavuuq Vuritis Kalampiam Ilisaqsiningit Nunaqaqqaqsimajut Inuit Pijunnautingita piqujanganik. Piqujaq ajjiqapalullarittuuq Piqujaksaq C-262 sivituninganik ammalu ilulingingnik. Vuritis Kalampiap Gavamanganik piliriaqarutiqaqtittivuuq unikkausiqaarlutit pivallianingingnik atuliqittiningita pijunnautingit angingiqtausimajut nunalirjuat katujjiqatigiingita nalunaiqsismaningingnik kisanili ilaakkuungajunik atuliqittinirmut aulaniqanngittiammari&&uni ikajuqtuijjutiksaqarajaqtunit ammalu aaqqigutiksaliurunnarajaqtumik nunaqaqqaqsimajut Inuit pijunnautingit siqumitaujuviniugutit. Vuritis Kalampia Gavamanga uattisuungungmat namminiq piliriaqarnirminik ammalu nangminiq qanuiliuriaqarningingnik atuliqittijjutingingnik ammalu tukisiumaningingnik Inuit Kikkutuinnait Pijunnautingingnik kamajariaqarningingnik. Kigliqaqtittininga tamanna piqujap qaujijaksausimavuuq aivautiniqaqsimaningingnik ilagijaujut via'suivit'ian allanik ammalu Vuritis Kalampia Gavamanga sanajauninganik qaqqakkut uqsualungmut sulluliliuqtauninganik. Aivautiqaqtillugit ammalu asikkanningit naasaraksaunngittut nunaqaqqaqsimajut ammalu Gavamaujut, Gavamakkut sulii piliriaqarnirainnaqsimavut piqujarmik mali&&utit kisanili asingit ilagijaujut Allait Katujjiqatigiingingnik Inuit Kikkutuinnait Pijunnautingit sulii siqumitausimagamik. Ilaakkuungajumik atuliqittijiqanngittillugit aulaniumik tukiqaqpuq Vuritis Kalampia Gavamanga iqqaqtuijugamik ammalu aajiiraqtittijulluni siqumitausimajut nunaqaqqaqsimajut Inuit, Inuit Kikkutuinnait Pijunnautingingnik Vuritis Kalampiami.



Piqujaqtigut Ilulingit

Tamakkua aaqqigutigijaujunnaliqullugit aksurnagalaktut naammagijaunngittut, Piqujaksaq pijjutituanga atuliqtitaulluni Nunarjuarmi Katujjiqatigiit Ilisaqsinigut Kanatami piqasiujjijarialiit ukuninga piqujarmiillutit:

- Maligaujuq aaqqijarialik nunaqaqqaqsimajut Inuit pijunnautingita Kamisanninganik ammalu/uvvaluunniit ilaakkuungajumik uattijiqarluni timiujumik qanuiliurutigijangit ikajuqtuqtaulutit naammattumik, makimatigaksamik ammalu akuniujumut kiinaujaqaqtitaulluni
- Kamisaujuq ammalu/uvvaluunniit timiujumik kamagijaqarialik uattiluni Gavamatuqakkut malikkaluarmangaarmik pijunnautinik ilisarijausimajut nunalirjuat katujjiqatigiingit ilisaqsisimaningingnik ammalu uattigajaqtuni aturjuumijaugaluarmangaarmik tamakkua pijunnautiujuq Kanatami.
- Kamisaujuq ammalu/uvvaluunniit uattijiujuq timiulluni aaqqiktaujariaqaqpuq ajjiqarluni nunalirjuat katujjiqatigiingita piurismi tunngaviliarijaulauqsimajunik, nunalirjuat nalunaikkutataaqtitaullutit nunalirjuangajut Inuit Kikkutuinnait Pijunnautingita pilirivviit ilisaqsigunnaq&utit Nunarjuarmi Iligiit Nunalirjuangita Inuit Kikkutuinnait Kijunnautinginnut pilirivviujumut Nunarjuarmi Katujjiqatigiit Piurismi Tunngaviujuq aaqqiilauqsimavut malittaujarialingnik turaangajut Nangminiqsurunnanimut Gavamaujunit, ilaakkuungalutit, naammattunit sannginiqaqtitaullutit qaujisarunnaqullugit, kiinaujaqaqtitaullutit, amisuggutaujunnarlutit, ammalu pinasuagaqarlutit ammalu qaujimanisarlutit.
- Kamisaujuq ammalu/uvvaluunniit uattijiujuq timiulluni piliriaqarumaniqarialik qaujisarunnarluni Gavamatuqakkut ammalu pilirivviujunit, ammalu unnirluutiqaqattarunnarluni ajjiunngittukkut kamagijausuungujut pillugit taakkununga Kanatami Inuit Kikkutuinnait Pijunnautingingnik siqumittijut qimirrujingingnik qaujisakkannirunnaqullugit.
- Piqujat piqasiujjijarialiit titiraqtausimaningingnik naammattunik, makimajunnaqtunik ammalu akuniujumut kiinaujaqarunnaqtitauniarmata pilirijaujarialiit kamagijaujunnarniarmata uqaqsimallutit piqujaksami.

Isulittillugu

Nunarjuarmi Katujjiqatigiingit Ilsaqsiningit Nunaqaqqaqsimajut Inuit Pijunnautingingnik nalunaiqsivut ilsaqsillutit nunaqaqqaqsimajut Inuit pijunnautingingnik. Pijunnautiit ilisarijausimajut Nunarjuat Katujjiqatigiingit Ilsaqsiningit nunaqaqqaqsimajut Inuit pijunnautingingnut tikitaunasuaruaqanngilat tunngaviunngilat. Taimaimmat, Nunarjuat Katujjiqatigiingit Ilsaqsiningit nunaqaqqaqsimajut Inuit pijunnautingit Kanatap iluani kisiani atuliqtitaujunaqput tamakkua pijunnautiit atuliqtigaksauppata. Pijunnautiit aaqqigutiksaqanngituarutit pijunnautiunngilat. Tamakkua pijunnautiit ilisarijausimajarialiit piqujarmi aaqqigutiksaqarviquariaq&utillu ammalu akiliqtaujujutiqarlutillu taikkua pijunnautiit siqumitaujuviniugutit. Atuliqtitauvallianinga nunarjuat katujjiqatigiingit ilsaqsiningit ajjiqarluni Piqujaksaq C-262-mi kajusiniqarunajjaanngimmat atuliqtitauuninganik Nunarjuat Katujjiqatigiingit Ilsaqsiningingnik ilsaqsilutit. Piqujaksaq C-262 atuqtauniatuaruni tunngavigijauluni piqujaksaliurnirmut aksurjuammarialulli asijjiqtaujarialik Piqujaksaq sivuniagut saqqiqtitaunnginninganik Maligaliurvirjuarmi sivulliqpaami uqalimaaqtaugunnaqullugit piqasiujjisimammilutit piqujap iluaniittut pijunnautiit ilisarijausimaniarmata Nunarjuat Katujjiqatigiingit Ilsaqsiningit ilsaqsilutit atuliqtigaksauluni. Atuliqtittigutiksaqanngituarunili, Piqujaksaq C-262–paluktut Piqujaksaq uqautausimatuinnaqpuq tikinnasuaqtangingnik, pivaalliqtauguni taimanna pisuktausimajariaq&uni qanuiliurutiqarniarnirmut parnautimik qangakut pijariiqsimajariaqarningit uqaqsimannngillutit. Taimaimmat, atuliqtitauuningit nunaqaqqaqsimajut Inuit pijunnautingita malittuinna-larikkajaqtuq niruaqtausimajut pijumaningit Gavamarijaujut taissumani tamanna sanajautillugu ammalu atuliqtitauqajanni&&uni *Nunalirjuat Katujjiqatigiingita Ilsaqsiningingnik.*



ᐃᓄᐃᑦ ᑕᐱᓃᑦ ᑲᓄᑕᑦ
INUIT TAPIRIIT KANATAMI



75 Albert St., Suite 1101
Ottawa, ON Canada K1P 5E7



613-238-8181



@ITK_CanadaInuit



InuitTapiriitKanatami



@InuitTapiriitKanatami



www.itk.ca